

Peraulas et musica de Sevadore Nuvoli

Oe est sa die pius bella

Ca su Signore nos hat mutìdu,

Paris in sa capella

Pro su cumpridu ch'hamus pedìdu.

No hat ateru disizu

Sa mama ch'hat pregadu

Sos benes pro su fizu

Cando in sas mentes nos hat sinnadu.

Si solos nos cherimus

In dun'ateru chelu,

No est ch'immentigamus

Sas prendas bonas, bellas che anghèlu.

Ma cun amore santu

Nois semus pro chircare,

Pienos de ogni bantu

Ateras vidas de semenare.

Riccas de godimentos

Comente a nois hat onoradu,

Sos bonos sentimientos

Chi mama e babbu nos hana dadu.

Ite bella sa manu

Como chi jughet s'aneddu 'e oro.

Des ch'est soberanu

Hat nadu a istimare custu tesoro.

Intro 'e su coro meu

A lu bramare forte,

chirchendeli recreu

già in sa 'ona e in sa mala sorte.

Cando si calat die

M'agoglit su confortu

D'essere accurzu a chie

Da-e custu affettu mai siat isortu.

Toccat s'Ave Maria,

Sa gloria ' su Signore;

No est inogh ebbia

Ch'amus s'aggiudu de su pastore.

Ne cun sa domo 'e oro

E sos disizos de ogni cosa,

Ma pagu e cun decoro

Cun sa salude e s'aneddu 'e isposa.